

Cofnodion cyfarfod cyffredin **CYNGOR TREF RHUTHUN** a gynhaliwyd yn Siambr y Cyngor, Neuadd y Sir, Ffordd Wynnstey, Rhuthun, nos Lun, 18 Mehefin 2018, am 7:00pm.

PRESENNOL: Y Cyngorwyr Ian Lewney (Maer) a Gavin Harris (Dirprwy Faer)
Y Cyngorwyr Keiran Allsopp-Robson, Stephen Beach, Jim Bryan,
Ken Hawkins, Menna Jones, Robert Owen-Ellis, Anne Roberts, Dave Snape,
Heather Williams, Ifan Wyn ac Emrys Wynne.

39. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cyngorwyr Rosie Hughes, John Wynne Hughes ac Ifan Wyn.

40. CYFLWYNIAD YNGHYLCH HEN SAFLE YSGOL STRYD Y RHOS AC YSGOL PEN BARRAS

Cynigiwyd ac eiliwyd trafod yr eitem hon yn Rhan Dau oherwydd natur gyfrinachol y cyflwyniad. Croesawodd y Maer Tom Booty, Swyddog Arweiniol Rheoli Asedau Strategol Cyngor Sir Ddinbych, a rannodd ddogfen yn amlinellu'r dewisiadau potensial o ran y safle gwag. Holodd Cyngorwyr a fyddai'r safle yn cael ei chadw'n daclus a'r glaswellt yn cael ei dorri, fel ei bod yn edrych yn atyniadol i ddarpar ddatblygwyr a chadarnhawyd y byddai hyn yn digwydd.

PENDERFYNWYD: *nodi'r cyflwyniad.*

41. DATGAN BUDDIANNAU

Cafwyd datganiadau o fudd personol gan y canlynol: Y Cyngorwydd Menna Jones a'r Cyngorwydd Emrys Wynne ynghylch eitem 12i – Cais am gymorth ariannol gan Bwyllgor Sioe Rhuthun; y Cyngorwyr Anne Roberts a Dave Snape yng nghyswllt eitem 12ii – Cais am gymorth ariannol gan Gymdeithas Cymuned Llanfwrog tuag at yr arddangosfa tân gwyllt a'r Cyngorwydd Heather Williams yng nghyswllt eitem 13 – cais am statws Croesawu Bysiau Moethus.

42. ADRODDIAD Y MAER

Adroddodd y Maer ei fod wedi bod yn y digwyddiadau a ganlyn.

- 21.05 Codi baner i ddynodi canmlwyddiant yr Awyrlu Brenhinol wrth Neuadd y Sir, Rhuthun
- 22.05 Cyfarfod gyda'r Parchedig Stuart Evans i drafod y gwasanaeth Sul Dinesig
- 23.05 Cyfarfod cyhoeddus i drafod y bwriadau o ran yr Hen Lys
- 01.06 Cyflwyno gwobrau Ysgol Rhuthun
- 06.06 Cyfarfod Blynyddol Cyfeillion Ysbyty Rhuthun yng Nghanolfan Awelon
- 17.06 Gwasanaeth Sul Dinesig Maer Dinbych yn Eglwys Sant Joseff, Dinbych.

43. ADRODDIADAU'R AELODAU

- | | |
|--------------------------------------|---|
| Cyng. Gavin Harris
(Dirprwy Faer) | Cyfarfod Gweithgor yr Hen Lys a chyfarfod cyhoeddus i drafod y bwriadau o ran yr Hen Lys. |
| Cyng. Keiran
Allsopp-Robson | Cyfarfod cyhoeddus i drafod y bwriadau o ran yr Hen Lys, seremoni wobrwyo Ysgol Rhuthun, cyfarfod gyda Chadeirydd Llywodraethwyr Ysgol Stryd y Rhos a chyfarfod llywodraethwyr Ysgol Stryd y Rhos. |
| Cyng. Stephen Beach | Cyfarfod cyhoeddus i drafod y bwriadau o ran yr Hen Lys |
| Cyng. Jim Bryan | Cyfarfodydd Gŵyl Rhuthun |
| Cyng. Ken Hawkins | Seremoni wobrwyo Ysgol Rhuthun |
| Cyng. Menna Jones | Cyfarfod cyhoeddus i drafod y bwriadau o ran yr Hen Lys. |
| Cyng. Robert
Owen-Ellis | Cyfarfod Llywodraethwyr Ysgol Pen Barras, hyfforddiant cynllunio gan Gyngor Sir Ddinbych yng Nghaledfryn, Dinbych, cyfarfod cyhoeddus i drafod y bwriadau o ran yr Hen Lys a chyfarfod gyda Mrs Karen Evans, Pennaeth Addysg a Mr Geraint Davies, Swyddog Addysg Cyngor Sir Ddinbych i drafod materion lechyd a Diogelwch yn gysylltiedig â'r safle newydd. |
| Cyng. Anne Roberts | Cyfarfod Gweithgor yr Hen Lys, codi baner i ddynodi canmlwyddiant yr |

Cyng. Dave Snape	Awyrlu Brenhinol, Fforwm dros 50 oed yn Llys Awelon, cyfarfod cyhoeddus i drafod y bwriadau o ran yr Hen Lys, cyfarfod Ymlaen Rhuthun ynghylch y Carnifal, cyfarfod Drysau Agored Cymdeithas Ddinesig Rhuthun a'r Cylch a seremoni wobrwyo Ysgol Rhuthun. Cyfarfod yr Is-bwyllgor Craffu Ariannol, cyfarfod Pwyllgor Rheoli Theatr John Ambrose, cyfarfod cyhoeddus i drafod y bwriadau o ran yr Hen Lys, seremoni wobrwyo Ysgol Rhuthun a chyfarfod Sioe Rhuthun (dirprwyo ar ran y Cynghorydd Jim Bryan).
Cyng. Heather Williams	Cyfarfod Gweithgor yr Hen Lys, cyfarfod cyhoeddus i drafod y bwriadau o ran yr Hen Lys, hyfforddiant cynllunio gan Gyngor Sir Ddinbych yng Nghaledfryn, Dinbych a chyfarfod gweithgor Statws Croesawu Bysiau Moethus.
Cyng. Ifan Wyn	Cyfarfod cyhoeddus i drafod y bwriadau o ran yr Hen Lys.
Cyng. Emrys Wynne	Dwy sesiwn hyfforddiant Llywodraethwyr, Neuadd y Sir, cyfarfod cyhoeddus i drafod y bwriadau o ran yr Hen Lys a seremoni wobrwyo Ysgol Rhuthun

Darparodd y Cyngorwyr Heather Williams a Robert Owen-Ellis adborth ar y sesiwn hyfforddiant cynllunio ynghylch cydymffurfio a gorfodaeth cynllunio a gyflwynwyd gan Adam Turner, unig Swyddog Cydymffurfio yr awdurdod lleol, ac roedd y ddau o'r farn bod y sesiwn yn ddiddorol a defnyddiol. Cyfeiriodd y Cyngorwyr Owen-Ellis at y cyfarfod gyda swyddogion Adran Addysg Cyngor Sir Ddinbych i drafod materion iechyd a diogelwch yn gysylltiedig â safle'r ysgolion newydd yng Nglasdir. Cyfeiriwyd at y perygl i ddiogelwch plant wrth gerdded, beicio neu ddefnyddio sgwteri i deithio i ac o'r ysgol, yn enwedig yr angen i groesi Ffordd Glasdir i ddilyn y llwybr i gerddwyr a beicwyr. Cynigiwyd anfon llythyr yn mynegi'r pryderon hyn at Adran Prifffyrdd Cyngor Sir Ddinbych, yn gofyn am gyfarfod gyda chynrychiolwyr y ddwy ysgol i drafod y mater ar frys.

44. COFNODION Y CYFARFOD CYFFREDIN BLAENOROL

PENDERFYNWYD: *cadarnhau bod cofnodion y cyfarfod a gynhaliwyd ar 21 Mai 2018 yn gywir.*

45. MATERION YN CODI

Hysbysodd y Clerc y byddai Lisa Jones, Gwasanaethau Cyfreithiol, Cyngor Sir Ddinbych, yn dod i gyfarfod nesaf y Cyngor i anerch yr aelodau ynghylch eu hymrwymiaadau dan y Rheoliadau Diogelu Data Cyffredinol (GDPR) newydd. Cytunwyd i ohirio cyflwyniad gan Heddlu Rhuthun tan gyfarfod mis Medi, gyda chais i ddosbarthu'r data troseddau cyn y cyfarfod.

46. COFNODION Y PWYLLGOR CYNLLUNIO A DATBLYGU

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 11 Mehefin 2018.

PENDERFYNWYD: *derbyn cofnodion y cyfarfod a gynhaliwyd ar 11 Mehefin 2018.*

47. COFNODION Y PWYLLGOR AMWYNDERAU

Tynnodd Gadeirydd y pwyllgor sylw at eitemau o gofnodion y cyfarfod a gynhaliwyd ar 11 Mehefin 2018.

PENDERFYNWYD: *derbyn cofnodion y cyfarfod a gynhaliwyd ar 11 Mehefin 2018.*

28. AELODAU CYNGOR TREF RHUTHUN, AELODAETH PWYLLGORAU A CHYRFF ALLANOL

Derbyniodd yr aelodau ddogfennau'n rhoi manylion cyswllt yr aelodau ac yn nodi aelodaeth pwyllgorau a chynrychiolaeth ar gyrff allanol. Cytunwyd y dylai'r Cyngorwyr Dave Snape a Gavin Harris alw cyfarfod o Dîm Tref Rhuthun, i weld a yw'r corff yn dymuno parhau neu beidio. Hefyd cytunwyd i ohirio'r penderfyniad ynghylch cynrychiolydd y Siambr Fasnach, gan fod trafodaethau'n parhau ynghylch uno'r Grŵp Busnes a'r Siambr Fasnach.

PENDERFYNWYD: *nodir manylion.*

49. COFFAU CANMLWYDDIANT DIWEDD Y RHYFEL BYD CYNTAF

Roedd y Cyngorydd Rosie Hughes wedi cysylltu gyda'r Clerc ac esbonio ei bod yn aros am ragor o wybodaeth yn y post. Gofynnodd am ystyried y wybodaeth rhwng y cyfarfodydd Pwyllgor Cynllunio a Phwyllgor Amwynderau nesaf ar 9 Gorffennaf, petai wedi cyrraedd mewn pryd.

PENDERFYNWYD: trafod hyn rhwng y cyfarfodydd Pwyllgor Cynllunio a Phwyllgor Amwynderau nesaf ar 9 Gorffennaf, yn amodol ar dderbyn y wybodaeth mewn pryd.

50. CEISIADAU AM GYMORTH ARIANNOL

Gofynnwyd i'r aelodau ystyried ceisiadau am gymorth ariannol gan:

- i. Pwyllgor Sioe Rhuthun – cais am £500.00 tuag at gostau cynnal y sioe flynyddol.
- ii. Cymdeithas Gymuned Llanfwrog – cais am £1,200.00 tuag at yr arddangosfa tân gwyllt a £500.00 tuag at golledion posibl y casgliad bwcedi.

PENDERFYNWYD: darparu cymorth ariannol o £500.00 i Bwyllgor Sioe Rhuthun yn unol â'r cais, a dyrannu £1,200.00 tuag at arddangosfa tân gwyllt 2018.

51. STATWS TREF SY'N CROESAWU BYSIAU MOETHUS

Esboniodd y Cyngorydd Heather Williams bod y gweithgor wedi cyfarfod yr wythnos flaenorol, a bod Cyngor Sir Ddinbych wedi cynnig sicrhau hysbyseb mwy manwl ar gyfer Rhuthun yn Llawlyfr Gyrwyr Bysiau Moethus, ar gost o £175.00. Arweiniwyd yr aelodau trwy'r ffurflen gais, ac esboniodd mai'r darn gwaith terfynol cyn cyflwyno'r cais oedd llunio tudalen benodol yn cynnwys gwybodaeth i gwmnïau bysiau moethus a gyrwyr ar wefan Visit Ruthin. Unwaith y cyflwynir y ffurflen gais byddai swyddog CPT Coach Friendly Status yn trefnu ymweliad i asesu cais Rhuthun.

PENDERFYNWYD: derbyn y wybodaeth a bwrw ymlaen gyda'r cais erbyn diwedd mis Mehefin.

52. CYNHADLEDD CYMRU 2018 SLCC

Cyflwynodd y Clerc gais i fynd i Gynhadledd Cymru 2018 wedi'i threfnu gan SLCC yng Ngwesty San Sior, Llandudno, ddydd Mercher, 5 Medi 2018 ar gost o £75.00 + TAW.

PENDERFYNWYD: cytuno i'r cais ac i'r Clerc archebu lle yn y gynhadledd.

53. DATGANIAD ARIANNOL

Esboniodd y Clerc bod y datganiad ariannol yn adlewyrchu'r taliadau y mis blaenorol. Hefyd cadarnhaodd bod y newid o gyfrifon banc Barclays i gyfrifon banc HSBC ar fin digwydd, a dyna'r rheswm am newid rhif y siec ar gyfer rhai o'r taliadau a restrwyd.

PENDERFYNWYD: derbyn y wybodaeth.

54. CYFRIFON I'W TALU

PENDERFYNWYD: cymeradwyo talu'r eitemau a ganlyn.

5181	Cyngor Gwasanaethau Gwirfoddol Sir Ddinbych	Adnewyddu aelodaeth		£30.00
5182	Ymlaen Rhuthun	Cymorth ariannol tuag at gynnal Carnival Rhuthun		£500.00
5183	Cymdeithas Ddinesig Rhuthun a'r Cylch	Cymorth ariannol tuag at Ddrysau Agored Rhuthun		£1,500.00
5184	Cymdeithas Efeillio Rhuthun	Cymorth ariannol tuag at weithgareddau'r Gymdeithas Efeillio		£1,500.00
5193	Gŵyl Rhuthun	Cymorth ariannol tuag at drefnu'r Ŵyl		£1,000.00
100001	Haydn Peers	Hysbysiad Preifatwydd a Chydymffurfio gyda'r Rheoliad Diogelu Data Cyffredinol		£35.00
100002	Cyngor Sir Ddinbych	Llenwi'r basgedi crog ar draws canol tref Rhuthun	*	£432.00
100003	I T Williams Co. Ltd	Cludo'r planwyr ar gyfer y basgedi crog	*	£544.50
100004	Llanfwrog CIC	Torri glaswellt – Mehefin 2018		£528.39
100005	Fineline	Nwyddau swyddfa	*	£14.84

100006	Elevator Design Limited	Tystysgrif SSL a chynnal gwefan Visit Ruthin am 12 mis o 12 Mehefin 2018	*	£186.00
100007	Cyllid a Thollau Ei Mawrhydi	Treth incwm ac Yswiriant Gwladol		£295.55
100008	Marian Rees	Gwasanaeth cyfieithu ar y pryd	*	£180.00
100009	Cyngor Sir Ddinbych	Cyflenwi a gosod 4 arwydd enw stryd yn Ffordd Glasdir	*	£1,058.59
100010	J&C Brimble	Dyfrio basgedi crog		£1,001.00
100011	Urdd Gobaith Cymru	Cyfraniad tuag at Eisteddfod Genedlaethol Urdd Gobaith Cymru 2020		£3,000.00

RHAN DAU

Cynigiwyd ac eiliwyd y dylid trafod yr eitem a ganlyn yn Rhan Dau, oherwydd natur gyfrinachol y trafodaethau.

55. YR HEN LYS

Cyflwynodd y Cynghorwyr Ian Lewney a Gavin Harris ddiweddariad ar y gwaith a oedd wedi'i wneud a'r ffurflenni i'w hanfon ar gyfer cymeradwyaeth i fenthyca a cheisiadau grant. Hefyd nodwyd bod y cytundeb rhagbrynu wedi'u dderbyn ac y byddai'n cael ei lofnodi gan y Maer a'r Dirprwy Faer. Hefyd cynigiwyd cyflwyno cynnig am yr adeilad yr un pryd.

PENDERFYNWYD: *derbyn y diweddariad a bwrw ymlaen i gyflwyno cynnig am yr adeilad.*

56. DYDDIAD Y CYFARFOD NESAF

PENDERFYNWYD: *cadarnhau mai dyddiad y cyfarfod cyffredin nesaf fydd nos Lun, 16 Gorffennaf 2018 am 7.00pm.*